



# ANTIDOTARII SPECIALIS

PER

JO. JACOBUM WECKERUM  
emendati & locupletati

LIBER I.

## DE IGNE, Sectio I.

IGNIS in medicina usum venit. Sumuntur enim medicamenta tum ab

Igne ipso vel	{	Cum flamma depercentes	{ Ligna. Sera, Oleum, Bucyrum.
		Sine flamma: ut ab ignitis	{ Carbonibus. Metallis. Lapidibus.
Recrementis ipsius: ut ab	{	Fuligine. Cinere. Calce.	

**I**GNIS eligendus est flammæ elevatae, ex quercu, vel ilice, vel subere, vel fago, vel salice, vel fermentis vitium, non corruptis & putridis, non viridibus, & fumum faciētib; non vallofis, sed montanis & siccis factus. Talis namq; corpora sana maxime tempore frigidiore conservat, refrigerata calefacit; humectata siccat, densata laxat, astricta & clausa rarefacit & aperit, aeris malignitiam corrigit, &c. Hippocr. & Galenus.

**CANDELÆ & LUCERNÆ.** In cubiculis sanorum vel aegrorum tempore nocturno primum locum habent candelæ, ex cera flava, recenti, munda, deinde ex sevo taurino recenti, moderato calore liquato, & colato, ellychnioq; puro, albo & æquali, confectæ. Sic etiam lucernæ ex oleo communi seu olivarum recēti, claro, munda, & ellychnio bombacino, puro ac subtili, meliores habentur. Hujusmodi enim ad aërem tenebrosium illuminandum, vigiliæ producēdas, cucurbitulasq; affigendas, &c. accommodatiores habentur. Quæ verò ex pinguedine ovina, vel porcina, rancida, antiqua, adultera, impura, vel ex oleo nucum, vel veteri, rancido & immundo

**A** sunt confectæ, prorsus sunt vitandæ: quoniam odorem spirant gravem, vitalemq; spiritum corrumpant, &c.

**CARBONES IGNITI** tum ad alimentorum, tum medicamentorum præparationē competunt. Eliguntur, qui ex quercu, vel ilice, vel fago sunt confecti, non humidi, non semivivi, & fumum vel strepitum reddentes. Ceteri verò ex salice, picea, vel pino, inutiliores. Galenus.

**METALLA IGNITA** meliora habentur primò ex auro, deinde ex argento, postremò ex ferro. Conducunt ad cauteria faciēda, carnem putridam consumendam, sanguinem promanantem sistendum. Ex lapidibus verò ignitis, præferuntur silicei. tales namq; ad sudores eliciendos sunt aptiores. Galenus.

**FULIGO** omnis exiccatoria est, ac proinde terrestris est essentia, habens quasdam etiam ignis, qui materiam combussit, reliquias: sed id pusillum est. Porro tota ejus natura terrena est, tenuium partium. Sed quæ speciatim in ea differentia sunt, ex pro usâ materia eveniunt: ex accriore & calidore, tali etiam proveniente fuligine: ex dulciore, simili quoque & hinc fuligine proveniente. Galenus.



**Fuliginem Thuris** sic facito. Forcipicula lucernis accensas singulatim thuris glebas, in novam fictilem ollam concavam imponito: & aereo vase, in medio perforato, deteria diligenter forde, obregito: alteram admoveto, ex altera ejus parte, aut utraque, subjectis quaternum digitorum altitudine lapillis, quo facilius perspici queat, si urantur: & qua locus capax fuerit, glebula alias supponito, & antequam prorsus prior gleba restinguatur, aliam imponito, donec sufficientem fuliginem videaris coegisse. Continuo tamen externa aramenti partes spongia, aqua frigida madefacta, abstergantur: ita enim teporato aris fervore, fuligo omnis inhaerebit, quae alioqui per levitatem decidua thuris cineribus admisceatur. Derasa itaq; fuligine, cinis cremati thuris seorsum subtrahendus est. Idem opus quoad satisfactum tibi videbitur, obeundum. \* Oculorum inflammationes mitigat, fluxiones suspendit, ulcera purgat, cava explet, carcinomata sistit. Simili modo e myrrha, resina, hyrace, reliquisq; lacrymis fuligo excipitur ad eadem convehens. *Dioscorides.*

**Fuligo** est liquida pice fit hoc modo. In lucerna nova, quae ellychnium habeat, nonnihil picis incendito, lucernamque fictili vase in clibani speciem conformato, superius in angustum fornicato, inferius perforato, ut clibani esse solent, operito, & adoleri finito: consumptoq; liquore novum infundito, quoad sufficientem usui fuliginem collegeris. \* Vis ei astringens, acrisque. Usui est ad pigmenta, quibus palpebras linunt, & venustant, & ad circumlitiones. Item ubi glabris genis pilos restitui oportet, ad imbecilles lacrymososq; oculos: insuper ad eorundem ulceram non inutilis est. *Dioscorides.*

**Fuligo pictoria**, qua pictores utuntur, ex vitariis officinis colligi solet: siquidem ei palma tribuitur. \* Vis ad astringendam & erodendum effrax: fracta, cum rosaceo cerato ad cicatricem perducit. *Dioscorides.*

**CINIS**, combustorum lignorum reliquiae nuncupantur, & oppositae ex contrariis tum qualitatibus, tum substantiis. Habet enim in se partim terrenum, partim velut fuliginosum, quod

Graece dicitur *αιψιδας*, sive *λιγνιδας*, sive quomodocumq; quis appellare volet: atque haec lanee partes sunt tenues, & quae maceratis aqua cineribus, & percolatis, una asportantur atq; abeunt. Quod vero reliquum est, terrenum est, infirmum, & morsu carens, calida facultate in lixivium deposita. Sed non omnis cinis eadem temperatura praeditus est, sed pro combustae materiae diversitate variatur. *Galenus.*

**SARMENTORUM CINIS** urendi vim habet: cum axungia autem vel oleo illitus, fractis nervis, articularum collisionibus, & nervorum nodis prodest: cum nitro & aceto excresecientias carnis in scroto reptimit. Serpentum cauumq; morsibus illitus ex aceto medetur. Crustas obducentibus medicamentis admisceatur. Fit ex co lixivium contra praecipitationes & fungorum venena, cum aceto, sale & melle. *Dioscorides.*

**CALX** cineris quaedam species est: fit hoc modo. Marinorum buccinorum testas igni condito, aut ferventi clibano nocte dimittito: postera die, si candidissimae fuerint, extrahito: sin aliter, iterum urito, usque dum vehementer inalbuerint. Dein ubi in aquam frigidam demersae fuerint, in fictile novum conjuncto, & exacte pannis operiens, noctem unam quiete scere sinito: mane eam extrahens, ubi perfectio omni opere elaborata fuerit calx, recondito. Fit & ellychnilibus calculis igne crematis, nec non e vili & fusaneo marmore, & lapide calcario. Vis omni calci in commune ignea, mordens, adurens & crustas inducens: quibusdam aliis immixtis, ut adipi, oleo, concoquendi vim assumit, mollit, & dissipat: ulcera ad cicatricem perducit. Efficacior existimatur recens, nec aspersa aquis. Porro calx elotata, medicamen est, citra morsum desiccans, magisque, si bis terve lavetur. *Dioscorides & Galenus.*

**Calx testarum ovorum, & limacum.**

**TESTAE** ovorum, aut limacum reverberentur igne acerrimo per triduum, donec reducantur in calcem candidissimam. Si dum calcinantur, aspergantur aceto, calx levior reddetur, & ad vires suas exercendas aptior. *Quercetanus.*

DE AERE, Sectio II.

